



慢驚秘訣

福幼編

存心居士重鐫

痘症秘訣

遂生編

存心居士重鐫

痘科證治。大都皆係清熱敗毒。此編獨言溫補氣血。余子姪孫甥。遭清熱敗毒而斃命者。言之寒心。用溫補氣血而得生者。指不勝屈。二十年來經驗確鑿。方敢筆之於書。所謂幼吾幼。以及人之幼也。荷蒙

諸君子錫以序文。各處皆登梨棗。然究係管見螢光。未知果有濟於生靈性命否。聊記數言。敬候名賢斧削云爾。

序

海內醫書汗牛充棟。然無病之家。非所急也。惟幼科痘症。自中外以及率土小民。皆不能免。險症最多。無不恐懼之至。而望救之殷。倘有良方。必當家喻戶曉。昆陵莊在田先生。江南宦族。牧民於江漢有年。凡見對口發背。及一切癰疽。輒與之方。莫不應手而愈。楚人稱之爲神外科。非一日矣。乾隆丁酉。曾著福幼編。專治慢驚。屢收奇效。久以風行海內。今著遂生編。專醫痘症。理明詞達。起死回生。雖逆症亦可治愈。真濟

世金針活人秘寶何可一日無之。余至荆南。因夢兆得見此編。展誦迴環。不能釋手。爰囑其亟付棗梨。爲赤子立命。爲幼科指迷。濟世陰功。莫大於此。得是編者。謹宜什襲藏之。以備極救。慎毋以爲與古書不同。仍聽時醫貽悞也。是爲序時。

嘉慶二年丁巳春仲上澣

賜進士及第

誥授光祿大夫兵部尚書湖廣總督年家鄉眷弟畢沅
拜

序

左氏曰三折肱知爲良醫。楚辭曰九折臂而成醫。蓋言醫之難也。古之醫惟盧扁治病能見人五臟癥結。餘皆取效於望色聞聲問症切脈。然此僅可論諸成人。若乳抱孩提氣血未充語言難達脫非於虛寒實熱四字辨之真認之確其不爲庸醫所誤者鮮矣。毘陵莊在田先生名家望族非業醫謀食者比。因童年多病初讀儒書卽究心岐黃每得良方必手抄心記。然亦止壽身自葆初不作炫技弋名之想嗣因子姪

孫輩。或夭折於驚風。或殤亡於痘症。怵然心動。爰就
內經及諸書。細加體察。心有所得。由是凡親族中。小
兒痘症驚風。誤於庸醫之不察虛實。專用寒涼剋伐
者。一經補偏救敗。無不藥到病除。應手而愈。方悟曩
之殤折諸兒。凡所謂天年本促。人力難施者。皆庸醫
巧爲籍口。非定論也。乃手著遂生編。專醫痘症。福幼
編。專治慢驚。以補內經諸書之闕。福幼編行世已久。
惟遂生編。尙係抄本。余見其辨症立方。闡發詳明。無
疑不晰。旣寶而重之。復不忍秘而藏之。爰合訂成編。

捐俸付梓。以廣在田先生保赤壽世之本志。凡編中所載各方。皆其潛心研究。屢試有驗。方敢傳刊。閱斯編者。設非確有卓見。幸毋意爲增減。以致自誤。反歸咎於書。是更余之厚望焉。是爲序。

欽命福建分巡汀漳龍驛傳兵備道世襲佐領年通家弟
海慶拜譔

跋

舅氏在田莊君余 慈人胞弟也心存濟世性嗜岐黃昔年余守荊州舅氏在署治愈內外沉痾不可枚舉楚人咸以神醫稱之丁巳春舅氏復來荊南出其所著遂生編耑治痘症屢試屢驗委係天下兒孫之福每見愚夫愚婦其子出痘悞聽庸醫不知培補氣血肆用寒涼剋削因而斃命心焉傷之此書斟酌萬全言簡而該無法不備不特痘科當奉爲圭臬而濟世陰功莫大於是亟請付之梓人以同公好殆與昔

年所刊福幼編並傳海內也。夫是爲跋嘉慶丁巳清

和月

賜進士出身湖北荆宜施道

甥崔龍見謹

原序

世之醫者。委云小兒無補法。只此一語。禍延靡極。夫小兒臟腑柔嫩。經脈未充。易於受邪。偶遇身熱惡食。稍爲和解足矣。乃醫者每以不消不補。輕淺之劑。愈則可以居功。不愈亦可以免謗。不應必消導發散。兼用寒涼。殊不知風藥多。則陰血受傷。而多汗亡陽。氣亦隨耗。再用苦寒。傷胃俾陽明無司。運之權而太陽亦失傳送之度。以未充之經脈。柔嫩之臟腑。受此無窮之消伐。慢驚之所由致。端在是也。當此之際。尙不

亟思補偏救弊之法。猶謂邪未盡而熱未除。必迫之
萬無可生之路。而後已。殺人毒手。未有慘於此者。夫
慢驚乃虛寒之故。亦有無所因而內發者。此根於賦
稟本虛。陰陽失位。互生長之機。漸行歇絕之狀。惟
審其偏勝力爲補救。庶幾十得一二耳。若猶以外因
治之。縱使稍爲和解。殺之亦至捷也。今讀毘陵莊在
田先生福幼編。其言慢驚致病之由。則究本窮源。治
法則絲絲入扣。立方則審其陰陽之辨。而直中其欸。
竅古有活人書。此其是矣。宜亟付之梓人。廣行於世。

俾醫者覺迷途于未晚而世間赤子全活者奚止數
萬萬而已哉是爲序時

乾隆丁酉季夏

賜進士出身

誥授朝議大夫知陝西蘭州府事吳門年家姍家眷弟
慕豫生拜撰

序

序

人無誤生之病而有誤人之醫。醫無誤人之心而有誤人之技。其故爲何。未得法耳。乾隆乙巳年。余權牧荊門。莊公亦暫典少府事。見其辨事精詳。不知更爲醫中聖手也。適長隨患發背。腰疽兩處。堅腫形如覆碗。勢甚危篤。醫者以爲七惡俱備。患者亦自分必死。莊公笑曰。是症何難。且可計日愈。不用刀針。不加敷藥。煎藥六劑。兩毒如失。又有買辦之母。向生瘰癧。今患對口大疽。醫辭不治。莊公開方。旬日間。非但對口